

## Kose Mochen eom Kopwene emon Aramasen Chon awora aninis ren Aworan tumun?

Kosapw noninen en omi kan chuen chok aninis.

Tutumunun chufengenin ngeni family mi fakkun nomot ren semerit kewe ra kan nom non tumunun foster. Aramaser repwene kan tumunu chufengenir non ekkei sakkun mi feito murin:

- Fitinong non kapas fengen me Ohana;
- Tumunun chufengenir ngeni ewe semerit seni fon ika non inis;
- Fiti an ewe semerit sukun ika fororun urumot kena me/ika pwan ekkocho mettoch ra fori;
- Awora wawa (ren an pwin ewe semerit repwe chuto, ngeni an sam me in chuto, me pwan ekkocho.); me/ika
- Ateteni me nemeni an chon ewe family ren ar repwe chuto (ngeni foror ren ewe family).

Ekkewe awewen maken teten me won ren met epwe fis ika mumuta me finita pwe mi fich seni ewe chon angang ngeni meinisin a kan pwon ngeni ewe semerit mi nom, chon tumunu ewe semerit mi wor seni kapung (GAL), me/ika sou kapung seni imwen kapung ren family.



## An semerit kena ra kan nonom non tumunun foster pung

Ewe department ika emon mi mumuta seni pwan ekkocho ofes repwe tumunu pwe ewe semerit mi nom non tumunun foster repwene:

1. Nonom non ew imw mi tumun me nimeoch, ese wor kawaten inisin, non mokuren, nisowu, me pwan ekkocho sakkun kawat;
2. Angei nafen mongo, imwer, me ufer;
3. Angei nafen tumunun safeer, aninisin ngiir, apungun tumunun meser, me aninisin safean non mokurer;
4. Epwe tonong non ew insurens ren safei mi pwonu chunapen mettoch me pwan non faamenimu ran seni towow seni iseisenong non imw, epwe kawor ngeni ew chunapen chekin pechakun me pwan finata sakkun safean;
5. Fofori iteitai nememen ika ese nememen non aramas, fon, ika pwan ekkocho sakkun foror ren ar repwe kapas ngeni semen me inen ewe semerit me pwin me mongean ewe semerit nupwen a nom non tumunun foster;
6. Angei poraus ren an arongorong non kapung me ika ewe semerit e mochen epwe fiti ewe arongorong;
7. Angei ew kapas fengen non aramas ngei noun ewe semerit we mi fin ngeni ren tumunun seni chon angang ngeni meinisin;
8. Epwe tongeni an epwe amusano an ewe semerit we pusin nuku kana ren fan, mi pachenong an ese mochen fiti ekkocho fororun fan me pwan fiti fan;
9. Wor an bank akoun ika pwe a tungor;
10. Pwan tongeni fiti ekkocho sakkun foror, eochunanon menawen, pekin eorenien, me pwan chu ngeni aramas;
11. Poputa non ier engon me ruwow, epwe kawor ngeni sakkun kaon fororun mettoch mi eoch ren ier in me pwan ew amon ren foror epwe fisieoch ren an epwe mokutuwow seni ewe pekin tumun seni foster;
12. Epwe wor pungun an epwene fiti fororitan ew amon ren an we case me pwan amon ren met ewe semerit epwene fori mwach kan, ika pwe ewe semerit a ier engon me ruwanu ika nap seni;
13. Ika ewe semerit a engon me ruwanu ier in ika nap seni, angei an ewe semerit we credit report, esapw wor momon; me
14. Ika pwe ewe semerit a kan nonom non tumunun foster ren nap seni onu meram, me pwan napeno ier in seni me non tumun, angei aninis ren an epwe angei ekkocho an kena rekot usun ew taropwen ofes ika ew pungunon kapin noun ewe semerit we taropwen an uputiwen non United States, ew Social Security card mi kawor seni ewe Commissioner of Social Security, porausen noun insurens ren safei, ew kapin noun ewe semerit we taropwen safean, ika poraus ren ar repwe tongeni angei an ewe semerit kewe taropwen safean, ew driver's license ika state identification card.

Ren unusenapen Taropwen pung ren Tumunun non foster churit: <https://www.capitol.hawaii.gov>



## Kopwene emon Aramasen Chon awora aninis ren Aworan Tumun

Pesei ngeni ewe Department pwe epwe awora me pwan makeitiw eochun foror ren kutan me ereni aramasen nupwen emon semerit mi aramaser a kan tonong non tumunun foster.



## Meta kewe repwe kan nomot ren ai upwe emon Aramasen Chon awora aninis ren Aworan tumun?

Ewe Child Welfare Services (CWS) a fakkun anomota nefinen ngeni aramas. CWS a kan ngeni aewin finita ren nenien nonom ngeni aramaser me/ika emon aramas mi kan wor nefinen fiti ewe semerit. An ewe semerit we anomomno epwe chok anongonong ren met epwe eoch ngeni ewe at ika nengin, ewe chekin ewe imw, me pwan an aramasen we mochen me pwan tongeni an epwe emon mi naisen ren aworan tumunun. Ika pwe ka kan mochen eom kopwe emon Aramasen Chon awora aninis ren Aworan tumun, ereni noun ewe semerit we chon angang ngeni meinisin mi finita me pwan tungor ew taropwen aeoeo pwe epwe kawor ngonuk.

### Met kena mi nomot ren eom kopwe Laisen repwe kan awesino me non 90 ran:

1. Afatenon ren meinisin ekkena emon me emon aramas mi nap ra kan nonom non ewe imw:
  - Federal me State afatenon ren tipis & kanipus ren nisou;
  - Afatenon ren kawat me tumunungaw ngeni semerit;
  - Fingerprinting, TB me afatenon semwen;
2. Pwaratan eochun ren moni;
3. Awasinon an kaeo ren Chon awora aninis ren Aworan tumun;
4. Ruwome repwe pwarata ren fan iten;
5. Pwaratan noun insurens me driver's license (epwe kan ngeni ekkena aramas mi kan wor war);
6. Chuto non imw me pwan kaeo non imw;
7. Apung sefan iteiten ier & pwan ekkoch mi nomot ika pwe ra era pwe mi fich.

## Meta emon semerit non tumunun Foster Epwene tongeni angei?

Emon semerit non tumunun foster epwe kan kawor ngeni aninis me pwan mettoch epwe eaea mi pachenong:

- Annapenon Moni ren sakkun fofor kena nein aramas (hula, sukunen chungu, urumot, sukunen kapasen fonu, kaeon eaea, me pwan ekkoch);
- Nemenem an we Case me pwan ekkoch aninis usun chok counseling;
- Aninisin Safeien;
- Eochunon an Kaeo; me
- Ekkoch aninis ika pwe epwe angei.

Ewe semerit epwe pwan tongeni an epwe chungeni semen me inen, pwin me mwongean, me pwan ekkoch chon non an family. Aramasen Chon awora aninis ren Aworan tumun repwene fori ekkewe afanefan seni ewe kapung usun chufengen (nemenem ika ese nemenem).

**Semerit non tumunun foster repwene kan mefi nuwokus me poutuno. Repwene kan angei tumun me aninis ren ar repwe pwak me marieochuta.**

“Kich meinisin sia mochen ew mwichen aninis sipwe kan anongenong won. Ei mwichen aninis kewe repwene kan ei family, sukun me chienei kena. Ra kan forata ew an ren ai upwe tongeni.”

– Samantha, HI H.O.P.E.S

<http://www.yeshawaii.org/hi-hopes/>

"Me rei, an wor nei we emon foster semei me inei pwe repwe anisiei non ei kewe fansoun ngaw me eoch a fakkun watte nomoten ngeniei."

-Kalamaikamala, HI H.O.P.E.S

<http://www.yeshawaii.org/hi-hopes/>

## Meta kewe epwene wisen ewe emon Aramasen Chon awora aninis ren Aworan tumun?

Chon awora aninis ren Aworan tumun ir ekkena chon awora aninis ren ewe state me pwan anisi tumunu chufengenin nefinen ewe semerit me an family nupwen ra kan awora ekkei mi etto murin:

- Ew imw mi tumun ren ekkewe semerit non tumun;
- Anisi ekkewe semerit non tumun ar repwe kan chuen kapas ngeni semer me iner kewe, pwir me monger kewe, me pwan chon ar family kewe;
- Anisi angang kena a fis ren achufengeni ekewe semerit ngeni ar kewe familin uputiw;
- Ika pwe achufengen ese kan tongeni, anisi achochon ar repwe tongeni mowmowno ika awora emon chon tumunu; me
- Ew fansoun repwene awora aninis non unusen menau ren ekkewe semerit me semer me iner kewe.

### Aninis me pwan Momo ngenir:

- Momo sefan ngeni foster iteiten maram seni ewe Board (anongonong won ierin ewe semerit);
- Foucher ren Ufer/momo sefan (anongonong won ierin ewe semerit);
- Momo sefan ren mwain (epwe fiti annukun ewe state);
- Pwonupwonun insurens mi awukuk (Limited Liability Insurance Coverage);
- Ekis asoso seni tumun (Respite Care);
- Aninis seni Mwich ika aninis ra mochen; me
- Ekkoch —ika pwe mi fich me wor.